

Է. Բ. Աղաջան

ԲԱՅԱԿԱԶՄՈՒԹՅՈՒՆԸ ԺԱՄԱՆԱԿԱԿԻՑ ՀԱՅԵՐԵՆՈՒՄ*

(Կառուցվածքային վերլուծություն)

Ժամանակակից հայերենի համակարգում առանձնակի տեղ է զբաղում բայը իր ձևերի ճոխությամբ, կիրառությունների արտակարգ ճկունությամբ, իմաստային նրբերանգումների ու քերականական կարգերի բազմազանությամբ: Հենց այս է պատճառը, որ աշխարհաբարի ուսումնասիրության սկզբնավորման ժամանակից ի վեր բայը եղել է և մնում է հետազոտողների ուշադրության կենտրոնում: Բայի կամ բայական համակարգի առանձին կողմերի ուսումնասիրությանը նվիրված բազմաթիվ հոդվածներ, դասագրքերի ու քերականական ընդհանուր բնույթի աշխատությունների ծավալուն հատվածներ և առանձին մենագրություններ ունենք հրապարակի վրա: Առանձնապես պետք է նշել Լ. Իրիտասարգ լեզվաբանների Հ. Բարսեղյանի, Մ. Ասատրյանի և Ա. Աբրահամյանի մենագրական ուսումնասիրությունները¹, որոնք իրենց ընդգրկումով գրեթե սպառում են իբրև հետազոտության առարկա բնութաբան յուրյուր աշխատությունները, որոնք նվիրված են ժամանակակից հայերենի բային, կարելի է ամենաընդհանուր կերպով բնութագրել հետևյալ ձևով: Ինչպես առհասարակ աշխարհաբարի, այնպես էլ նրա համակարգի կական բաղադրիչներից մեկի՝ բայի ու նրա խոնարհման ուսումնասիրության պատմության մեջ նոր էտապ են սկզբնավորում մեծավաստակ հայագետ Մ. Աբեղյանի աշխատությունները ոչ միայն իրենց բազմակողմանի ընդգրկումով ու գիտական վերլուծությունների բացառիկ խորությամբ, այլև նոր մոտեցումով: Մինչև նրա ուսումնասիրությունների երևան գալը աշխարհաբարի քերականական երևույթների նկարագրությունը առավել կամ պակաս չափով կախման մեջ էր դրաբարի քերականական սխեմաներից: Աբեղյանն առաջինն էր, որ ուսումնասիրեց աշխարհաբարը գրաբարից անկախ, այսպես ասած՝ ինքն իր մեջ. դիտելով այս իբրև մի ինքնուրույն ու անկախ համակարգ, Հենց սրանով էլ նա հիմք դրեց մեր գրական լեզվի համաժամանակյա (սինխրոնիկ) ուսումնասիրության: Մյուս կողմից, սակայն, Աբեղյանի հետազոտությունների ընդգրկած ժամանակաշրջանը բնորոշվում էր մեր լեզվի ոչ միօրինակությամբ, քերականական զուգահեռ ձևերի գործածությամբ: Այս բանը անխուսափելիորեն առաջ էր բերում պատմական մոտեցման անհրաժեշտու-

1 Հ. Բ. Բարսեղյան, Արդի հայերենի բայի և խոնարհման տեսություն, Երևան, 1953, Մ. Բ. Ասատրյան, Բայի սեռերը ժամանակակից հայերենում, Երևան, 1959, Ա. Ա. Աբրահամյան, Բայը ժամանակակից հայերենում, 1, Երևան, 1962:

* Մտերի փոխանկության կարգով տպագրելով ՀՍՍՌ Գիտությունների ակադեմիայի րոպակից-անգամ էդ. Բ. Աղաջանի սույն հոդվածը՝ խմբագրությունը ցանկալի է համարում, որ լեզվաբաններ հանդես գան շուտօրված հարցերի շուրջը:

իր դերն ու որոշ իմաստ, բայց տվյալ բայաձևի մեջ այդ բոլոր միավորները չեն, որ կարող են անջատվել՝ առանց բայի հիմնական իմաստը փոխելու (կյսպես, մենք կարող ենք անջատել -ի՞ն միավորը և ստանալ կարդացվեց իրական ձևը, կարող ենք այդ ձևից հեռացնել -եց-ին միավորները և ավելացնել -են միավորը՝ կարդացվեն, որով կստացվի ևս մի իրական բայաձև, այս երկու փոփոխությունների դեպքում էլ մենք որևէ փոփոխություն չենք առաջացնում բայի հիմնական իմաստի մեջ. այդ նույնը կարող ենք ասել նաև կարդացված, կարդացվելու, կարդացվող, կարդացվում և այլ բազմաթիվ ձևերի մասին: Դժվար չէ տեսնել, որ -եց, -ի՞ն, -են, -ած, -ել, -ու, -ում միավորները կարող են փոխարինել միմյանց՝ առանց բայի իմաստն ու սեռի քերականական իմաստը փոխելու. այդ բոլոր միավորներն արտահայտում են դեմքի, թվի, ժամանակի, վիճակի հարաբերություններ: Եթե այժմ նույն կարդացվեցին ձևից անջատենք -վ, -եց, -ի՞ն միավորները, կստանանք դարձյալ իրական կարդաց բայաձևը, որ սակայն չի պահպանել նախորդի իմաստի մի կարևոր մոմենտը՝ կրավորական սեռի քերականական իմաստը: Այդ իմաստն արտահայտող լեզվաբանական միավորն է՝ -վ- ածանցը, որ առկա է կարդացվել բայի բոլոր հնարավոր ձևափոխությունների մեջ: Այս նկատի ունենալով, բայի այն մասը, որ առանց ձևաբանական փոփոխության հանդես է դալիս տվյալ բայի բոլոր ձևերի մեջ, կկոչենք բացարձակ հիմք: Կարդացվեցին բայաձևի բացարձակ հիմքն է կարդացվ-: Բացարձակ, ինչպես և այլ կարգի հիմքերը կարող են հնչյունափոխության ենթարկվել կամ չենթարկվել շեշտափոխության հետևանքով, ինչպես դեռ բայի անցյալի հիմքում է (դր-եց, դիր), բայց քանի որ դա ձևաբանական նշանակություն կամ դեր չունի, այդ հնչյունափոխված ձևերը դիտվում են իբրև միևնույն հիմքի տարբերակներ: Այսպիսով, վերլուծված բայաձևի մեջ մի կողմից ունենք բացարձակ հիմքը (կարդացվ-), իսկ մյուս կողմից՝ զանազան ձևույթներ, որոնք արտահայտում են քերականական տարբեր իմաստներ ու հարաբերություններ: Այդ ձևույթները կոչվում են վերջավորություններ. վերը թվարկած -ին, -են, -ած, -ող, -ում և այլ ձևույթները վերջավորություններ են: Վերջավորությունների հավելումով կամ փոփոխումով ստացված յուրաքանչյուր բայական ձև մի բառով կոչենք բայաձև: Վերջենք մի այլ բայաձև՝ կարդացնել, որ, ինչպես հայտնի է, կարդալ բայի պատճառականն է. դրանից մենք կարող ենք ունենալ կարդացնում, կարդացնել, կարդացրու, կարդացրեց և այլն. այս ձևերից -ում, -ել, -ու, -եց վերջավորությունները հանելով, մենք կունենանք կարդացն- և կարդացր- ձևերը. քանի որ վերջավորություններից առաջ ունենք -ն- և -ր- ձևույթները, որոնք փոխարինում են իրար տարբեր ձևերի մեջ, ապա պարզ է, որ դրանք չեն պատկանում բացարձակ հիմքին, որ է՝ կարդաց-, որը թեև այլ պարագաներում ինքնուրույն բայաձև է, բայց իբրև կարդացնել բայի բաղադրիչ մաս, միայն բացարձակ հիմք է: Կարդացվել ձևի մեջ -վ- ածանցը արտահայտում է կրավորական սեռի քերականական իմաստ և մտնում է բացարձակ բայահիմքի մեջ, իսկ կարդացնել|կարդացրել ձևերի մեջ -ն-, -ր- ձևույթները հանդես են դալիս պատճառական կազմություններում, բայց չեն մտնում բացարձակ հիմքի մեջ. սա նշանակում է, թե բերված օրինակի մեջ կարող ենք հակադրել իրար մի կողմից՝ կարդացն- և կարդացր- միավորները, մյուս կողմից՝ այդ երկուսը՝ կարդաց- բացարձակ հիմքին: Համեմատելով կարդացնել, կարդացնի և նման բայաձևերը կարդացվել, կարդացվի ձևերի հետ, տեսնում

ենք, որ առաջին երկու ձևում վերջավորությունները ուղղակիորեն չեն միանում բացարձակ հիմքին, իսկ վերջիններում՝ միանում են. բայց նույն բայի կարգացվեցին ձևում դարձյալ ուղղակիորեն չեն միանում: Սրանից պետք է եզրակացնենք, որ ձևակազմության մեջ բացի բացարձակ հիմքից կարևոր է նաև մի այլ կարգի հիմք, այն՝ որին կարող են միանալ վերջավորությունները. այդ հիմքը կոչենք արդեն բնորոշված անունով՝ բայահիմք: Հեշտապես ձևերը նկատի ունենալով, մի կողմից ստանում ենք կարգացվ-, կարգաց- բացարձակ հիմքերը, մյուս կողմից՝ կարգացվ-||կարգացվեց-, կարգացն-||կարգացր- բայահիմքերը. առաջին գույդի մեջ առաջին բայահիմքը (կարգացվ-) համընկնում է բացարձակ հիմքին, բայց քանի որ ժամանակակից հայերենում բացարձակ հիմքն ու բայահիմքը չեն նույնանում, ապա՝ կարգացվ- բայահիմքի համար կրնգունենք զրո վերջավորությունը, ինչպես որ կարգացվեց դիմավոր ձևի վերջավորությունն էլ համարվում է զրո: Այսպիսով, բայահիմք կազմելու համար ժամանակակից հայերենում բայի բացարձակ հիմքին ավելացնում ենք զանազան ձևույթներ (ն, ր, եց, զրո և այլն): Բայահիմքը կազմելը կոչենք հիմնականություն, իսկ հիմքակազմությանը ծառայող, հիմքակազմ դեր կատարող ձևույթները՝ հիմնային ձևույթներ:

Վերջապես, մենք կարող էինք վերցնել նաև կարգալ բայը, որի բայահիմքերն են կարգ+0 (զրո) և կարգաց-. բայց մեզ այս դեպքում հետաքրքրողը բայահիմքերը չեն, այլ բացարձակ հիմքը, որ է՝ կարգ-: Համեմատելով կարգ-, կարգաց-, կարգացվ- բացարձակ հիմքերը և նրանցից կազմվող կարգալ, կարգացնել, կարգացվել բայաձևերը, տեսնում ենք, որ դրանցից յուրաքանչյուրը մի ուրույն բառ է. միևնույն ժամանակ, հեշտ է նկատել, որ այդ բացարձակ հիմքերից երրորդը (կարգացվ-) կազմվում է երկրորդից -վ- ձևավորի հավելումով, երկրորդը (կարգաց-)՝ առաջինից՝ -աց- ձևույթով: Քանի որ -(ա)ց-, -վ- ձևույթները ծառայում են արդեն ունեցած բայից նոր կարգի բայեր կազմելուն, ապա դրանք կկոչենք բայակազմ ձևույթներ. ի վերջո, կարգ- բացարձակ հիմքից բայի անորոշ դերբայը կազմելու համար էլ ունենք որոշ ձևույթներ (ա-լ, -ն-լ ևն): Հետևաբար, բայակազմության համար գործադրվում են ինչպես յուրահատուկ բայակազմ ձևույթներ, այնպես էլ հիմքային ձևույթներն ու վերջավորությունները (հմտ. կարգալ-կարգացնել-կարգացվել, տեսնել-տեսնվել և այլն): Բայի, որպես բառի, այն մասը, որից բայակազմ կամ հիմքակազմ ձևույթների և կամ վերջավորությունների հավելումով ստանում ենք տվյալ բայը, կոչենք բառահիմք. կարգալ, կարգացնել, կարգացվել բայերի բառահիմքն է կարգ-: Բայերի բառահիմք կարող են լինել թե առանձին, իբրև բառ չգործածվող արմատները, թե պարզ (արմատական) բառերը, և թե բաղադրյալ (ածանցավոր, բարդ, բարդ-ածանցավոր) բառերը, ինչպես՝ կարգալ, գործ-ել, տն-ախ-վար-ել, քանալ-ուտ-ել և այլն, ըստ որում բայի բաղադրյալ բառահիմքը նույնպես կարող է առանձին, իբրև անկախ բառ չգործածվել կամ պարզապես՝ չլինել, ինչպես՝ վերընթերցել, տարընթանալ և այլն. որ նշանակում է, թե դրանք կազմված են պարզ ընթերցել, ընթանալ բայերից: Այդ երևույթին, սակայն, կանգրոդառնանք ստորև: Բառահիմքերից բայեր կազմելը կոչենք բնորոշված անվանումով՝ բայակազմություն:

Այսպիսով, բայի ձևաբանական ու բառակազմական վերլուծության համար մենք ժամանակակից հայերենում տարբերում ենք հետևյալ միավորները՝

բառահիմք, բացարձակ հիմք, բայահիմք, բայակազմ ձևույթներ, հիմնակազմ ձևույթներ, վերջավորություններ:

Հետագային թողնելով հիմքակազմության և ձևակազմության վերլուծությունը, այս հոդվածում մենք քննության առարկա կդարձնենք բայի կազմությունը:

Բ. ԲԱՅԱԿԱԶՄՈՒԹՅՈՒՆ

Ժամանակակից հայերենում բայերն ըստ կազմության ներկայացնում են երկու կարգ՝ պարզ և բաղադրյալ: Պարզ են այն բայերը, որոնք կազմվում են բառահիմքի և վերջավորությունների միացումով, ինչպես՝ գործել, խաղալ և այլն: Բաղադրյալ են այն բայերը, որոնք, բացի բառահիմքից ու վերջավորությունից, ունեն նաև որևէ այլ կարգի բայական ձևույթ, ինչպես՝ կտրատել, կոխտել, կոր-չ-ել, մոռ-ան-ալ, տես-ն-ել, սիր-վ-ել, կոր-ցն-ել և այլն: Բաղադրյալ բայեր կազմելու համար ժամանակակից հայերենն ունի երեք միջոց. ածանցում, կրկնություն, հարադրություն³. համապատասխանորեն բաղադրյալ կազմությամբ բայերն էլ կոչվում են՝ ածանցավոր, հարադիր, կրկնավոր, կտրատել, կոխտել, կորչել ածանցավոր բայեր են, վազվզել, փալլվել, արշարել՝ կրկնավոր, բաց անել, աչի՝ ծակել՝ հարադիր: Կրկնավոր բայերի կազմության առանձնահատկությունները կարևոր են առհասարակ բառակազմության տեսակետից, բայց ժամանակակից հայերենի բայի ձևաբանական կառուցվածքի մեջ որևէ յուրահատկություն չունեն. կրկնությունն այստեղ լանդես է գալիս իբրև բառահիմքի կազմության միջոց, որ հավասարապես կարող է գործադրվել նաև այլ խոսքի մասերի պատկանող բառեր կազմելուն, ինչպես, օրինակ, մեծամեծ, փալլվում, լավլվում և այլն: Հարադիր բայերը թեև եղանակային ձևերի մեջ ունեն մի յուրահատկություն (օժանդակ բայի տեղը), բայց մյուս հատկանիշներով նրանք նույնն են պարզ կամ ածանցավոր բայերի հետ, ըստ որում հարադրության մեջ խոնարհվում է բայական բաղադրիչը սովորաբար այնպես, ինչպես հարադրությունից դուրս իբրև անկախ բայ: Այս բոլորը նկատի ունենալով, մենք այստեղ քննության կառնենք միայն պարզ և ածանցավոր բայակազմությունները:

Թե՛ պարզ, և թե՛ ածանցավոր բայերը կարող են կազմված լինել, ինչպես ստացիներ, որպես բառ չգործածվող արմատներից, արմատական (պարզ) բառերից և բաղադրյալ բառերից, ինչպես՝ հաճել, գործել, զերազանցել, քանախտել, անտեսվաբել և այլն: Տեսականորեն ու պատմականորեն այդ հնարավոր կազմությունները, սակայն, որպես ժամանակակից հայերենում գործող ընդհանուր օրինաչափություն դիտել չի կարելի: Այժմ արմատներ չեն ստեղծվում, ուստի և արմատներից պարզ բայեր էլ չեն կազմվում. այն բոլոր պարզ բայերը, որոնց բառահիմքը որպես բառ չգործածվող արմատ է, մեր լեզուն

3 Դոց. Ա. Ա. Աբրահամյանն իր «Բայի ժամանակակից հայերենում» աշխատության 1-ին զրբում տարրերում է երկու կարգի բայակազմություն՝ համադրական և վերլուծական: Թերևս այդ բնորոշումները համար են ընդհանրապես բառակազմության համար, բայց բայի ձևաբանական կառուցվածքի վերլուծության տեսակետից պարզ և ածանցավոր բայերը մեկ կարգի մեջ միացնելը չի արդարանում: Այդ պատճառով էլ մենք դերպագատում ենք սովորական, ափանդափան անվանումները:

ժառանգել է հնից կամ կազմել է նորագույն փոխառություններից (ցիտել, արստրահել ևն)։ Նշանակում է, պարզ բայերի բառահիմքերը իրենց կազմության մեջ ժամանակակից հայերենում կարող են լինել զանազան կարգ բառեր (պարզ, ածանցավոր ևն)։ Այդ կարգի բառահիմքերից պարզ բայեր կազմվում են միայն -ալ և -ել վերջավորություններով։ զրանք վերջավորություններն են անորոշ դերբայի, որ դիտվում է իբրև բայածների ելակետային ձև։ Այդ երկու վերջավորությունները միատեսակ կիրառություն չունեն։ -ել վերջավորությամբ կազմվում են ամեն կարգի ներգործական ու չեզոք բայեր, մինչդեռ -ալ վերջավորությամբ կազմվում են միայն բնածայնական-նմանածայնական պարզ կամ կրկնավոր բայեր։ Այն պարզ բայերը, որոնք այդ կարգին չեն պատկանում և կազմված են -ալ-ով, կամ ժառանգված են հնից (ինչպես՝ կարդալ, խաղալ, մնալ, աղալ և այլն) կամ էլ բարբառներից են մուտք գործել (ինչպես ծխալ, մխալ և այլն)։

Ածանցավոր բայերին ժամանակակից հայերենում կարող են որպես բառահիմք ծառայել թե՛ ինքնուրույն բառերը, թե՛ փոխառյալ արմատներ, որոնք որպես առանձին բառ չեն գործածվում, ինչպես՝ էվակուացնել, մոբիլիզացնել և այլն։ Այս կարգի արմատները ստանում ենք փոխառված գոյականների հետևից, այդ գոյականների վերջավորությունը հանելով, կազմում բայեր⁴։ Ածանցավոր են համարվում ոտ, ատ, կոտ, շտ, կշտ, բտ, կրա, ուր, ավոր, ան, են, ն, չ, ցն, ցր, վ ածանցներով բայերը։ Այս բոլոր ածանցները կարելի է բաժանել երեք խմբի։ Կերպային-բառակազմական, սեռային-լեռականական և հիմնականով։ Երրորդ խմբի ածանցների (ան, ն, են, չ) քննությունը թողնելով հիմքակազմության բաժնին, զբաղվենք առաջին երկուսով։

Կերպային բառակազմական ածանցներն են -ոտ-, -ատ-, -կոտ-, -տո-, -բտ-, -կրտ-, -շտ-, -կշտ-, -ուր-, -տակ-, -ավոր-, ներ-, վեր-։ Դրանք, բացի վերջին երեքից, ավելանում են բառահիմքին և բոլոր մյուս կարգի ածանցներն ու վերջավորությունները հաջորդում են նրանց, ինչպես՝ կտր-ատ-ել, կտրատ-վ-ել։ Այս ածանցները կոչվում են կերպածանցներ, ըստ որում նրանք կազմում են բազմակիության, կրկնության, սաստկության իմաստ արտահայտող բայեր։ Դրանցից ժամանակակից գրական լեզվում կենսունակ, արտագրողական են ոտ, ատ, մասամբ և տ ածանցները, իսկ մյուսները սահմանափակվում են մի քանի բառերով։

Վեր-, ներ- ածանցները ժամանակակից հայերենին նվիրված ուսումնասիրությունների մեջ դիտվում են որպես առհասարակ բառակազմական ածանցներ⁵, սակայն մեզ թվում է, թե զրանք պետք է դիտել իբրև բայակազմական նախածանցներ։

Վեր- նախածանցն ունի երեք իմաստ՝ 1. դեպի վեր, 2. վրա, 3. վերստին։ Առաջին հրկու իմաստներով կազմում է բայեր, գոյականներ ու ածականներ, ինչպես՝ վերասլաց, վերադաս (1), վերադիր, վերագրել (2) և այլն։ Երրորդ իմաստով կազմվում են բայեր՝ գործողությունը վերստին, նորից կատարելու իմաստով, ինչպես՝ վերապատմել, վերամշակել, վերաշինել, վերապրել, վեր-

⁴ Աղլելի մանրամասն տե՛ս Ա. Ա. Արբաշյան, Բայր ժամանակակից հայերենում, էջ 119—136։

⁵ Տե՛ս, օրինակ, պրոֆ. Բ. Արևիկյան, Հայոց լեզվի տեսություն, Երևան, 1931, էջ 221—227, Գ. Սևակ, Ժամանակակից հայոց լեզվի տեսություն, Երևան, 1955, էջ 172—182 և այլն։

ստանալ և այլն: Այս իմաստով գոյականները կամ այլ խոսքի մասերը կազմվում են բայից, ինչպես՝ վերամշակել-վերամշակում, վերածնել-վերածնություն (վերածնունդ), վերանորոգել-վերանորոգիչ, վերընթերցել-վերընթերցում և այլն, բայց որում գոյականներն էլ գործողության անուն են (վերամշակում-վերամշակել, վերամշակվել), ինչպիսիք են նաև շարժում, քնքերցում և այլ բայական գոյականներ: Այս նախածանցով ժամանակակից հայերենը ազատորեն կազմում է նորանոր բայեր, ինչպես՝ միավորել-վերամիավորել, միանալ-վերամիանալ, վաճառել-վերավաճառել, գնել-վերագնել, պատրաստել-վերապատրաստել, նվաճել-վերանվաճել և այլն: Քանի որ այս նախածանցը կազմում է բայերի մի յուրահատուկ կարգ՝ գործողությունը վերստին, նորից կատարելու, երկրորդելու իմաստով, ապա մենք այն դիտում ենք իբրև բայական ածանց, և դասում ենք կերպային-բառակազմական ածանցների շարքը: Այս ածանցով բայերը կարելի էր կոչել երկրորդության բայեր: Հասկանալի է, որ այս բայերը գործածության մեջ կարող են ստանալ փոխաբերական իմաստներ և ժամանակի ընթացքում իմաստափոխվել, ինչպես օրինակ՝ վերլուծել այժմ չի նշանակում վերստին լուծել՝ լուծմունք կատարել, այլ՝ տարրալուծել, анализировать, разобрать. սակայն սա լեզվի պատմական ուսումնասիրությանն է վերաբերում և այժմ մեզ չի զբաղեցնի:

Ներ- նախածանցը ցույց է տալիս գործողության ուղղվածությունը դեպի ներս կամ մի բանի մեջ, ինչպես՝ ներհաշի «դեպի ներս քաշել», ներգրավել «դեպի ներս գրավել, մի բանի մեջ առնել», ներբերել «դեպի ներս բերել», այդպես էլ ներմուծել, ներփակել, ներհոսել, և այլն: Ինչպես նախորդ, այնպես էլ այս ածանցով գոյականները բայանուններ են, ինչպես՝ ներգրում, ներազդում և այլն: Մի բանի ածականներն ունենք ներ- ածանցով, որոնք բայերից չեն կազմված և նույնիսկ համապատասխան բայերը չունենք էլ. դրանցից են՝ ներծովալին, ներկուսակցական, ներպարտիական, ներազգային և այլն. բայց սրանց մեջ ներ- ածանցն ունի ներհին, ներսի, ներսում իմաստը (ներպարտիական կյանք՝ պարտիայի ներքին կյանք, ներազգային գործեր ազգի ներքին գործեր և այլն): Այս ածանցով նույնպես ազատորեն կազմվում են նորանոր բայեր, ինչպես՝ ներմարմնավորել, ներդրել, ներսրսկել, ներուղղել, ներսղոսկել և այլն և այլն: Մի բանի գոյականներ և ածականներ ունենք ներ- ածանցով, որոնք պարզապես բայահիմքով են կազմված, ինչպես՝ ներդաշնակ, ներփակ, ներգաղթ և այլն, բայց սրանք էլ կազմված են համապատասխան բայերից: Այս բոլորը նկատի ունենալով, մենք ներ- նախածանցը համարում ենք բայակերտ կերպային-բառակազմական ածանց, որ կազմում է գործողության դեպի ներս ուղղվածությունը ցույց տվող բայեր, որոնք կկոչենք ուղղվածության բայեր:

Այս երկու նախածանցներից բացի, կարելի է հիշել թերևս նաև ներք- քնդ-, ստոր- և այլ նախածանցները, որոնք նույնպես բայականության որոշ դեր ունեն, բայց նախ՝ դրանք այժմ ավելի հաճախ գործածվում են գոյականների կամ ածականների կազմելու համար, ինչպես՝ ենթազուլիս, ենթավերնագիր, ենթադաս, ստորադաս, ընդհատակյա, ընդծովյա և այլն, երկրորդ դրանք առհասարակ ոչ շատ կենսունակ ածանցներ են, թեև մեր լեզվի զարգացման տվյալ էտապում զգալի է դրանց առավել գործածական ու արտադրողական դարձնելու ձգտումը:

Ավել- ածանցը, որ մեր լեզվի պատմության բոլոր փուլերում էլ մեծ դոր-

ծածուկյուն է ունեցել որպէս ածականակերտ ածանց, արդի զրական լեզվում հանդես է գալիս նաև իբրև բայական ածանց և կազմում է մի բանով օժտելու իմաստն արտահայտող բայեր, ինչպես՝ ֆինանսավորել, ավանսավորել, պարենավորել, սարհավորել, ակտավորել և այլն: Ա. Աբրահամյանը, քննության առնելով «ավոր» ածանցի դերը հատկապես փոխառյալ բառերից բայեր կազմելու տեսանկյունով և համեմատելով ռուսերենի -ОВА- բայածանցի հետ, գրում է. «Ռուսերենում -ОВА- ածանցը և նրա տարբերակները ունեն իմաստային նրբերանգներ: Դժվար է անվերապահորեն պնդել, թե հայերենի -(ա)վոր ածանցը լրիվ չափով արտահայտում է այդ բոլոր իմաստային նրբերանգները: Սակայն այդպիսի բայակազմության մեջ հետաքրքրականն այն է, որ հայերենը որոշակի կերպով ձգտում է որոնել միջոցներ իմաստային այդ նրբերանգները որքան կարելի է ճիշտ արտահայտելու համար, և նրա առաջ քաշած միջոցներից մեկը -(ա)վոր- ածանցի զործադրումն է»⁶: Այս եզրակացությունը միանգամայն ճիշտ է և հիմնավորված է հարուստ փաստական նյութի վերլուծությամբ: Մնում է ավելացնել, սակայն, որ -(ա)վոր- ածանցը հանդես է գալիս ոչ միայն փոխառություններից, այլև սովորական հայերեն բառերի: Նոր բայեր կազմելու դերով, բայ որում նա շատ բայերի մեջ որոշակիորեն իր իմաստով սահմանափակվել է ածականների մեջ ունեցած իմաստից. այսպես՝ քնավոր, լուսավոր, փառավոր, նշանակում են «թե ունեցող», «լույս ունեցող, լույսով օժտված», «փառք ունեցող» և համապատասխանորեն դրանցից կազմված քնավորել, լուսավորել, փառավորել բայերն էլ իրենց ուղղակի իմաստով նշանակում են՝ «թեավոր դարձնել», «լուսավոր դարձնել», «փառավոր դարձնել»: Այսպես են գրեթե բոլոր հին կազմությունները: Մինչդեռ նոր կազմությունների մեջ մեծ մասամբ այդպես չէ. աստիճանավոր նշանակում է «աստիճան ունեցող» (պաշտոնյա), իսկ աստիճանավորել՝ «աստիճաններով օժտել, աստիճանների բաժանել», միավոր՝ «մեկեր ունեցող», իսկ միավորել՝ «միասնացնել, միացնել», այդպես էլ տեսակավորել, սարհավորել, կահավորել, դասավորել, ֆինանսավորել, վարկավորել, որակավորել, ատեստավորել և այլն, և այլն: Այս բոլորի մեջ արտահայտվում է մի բանով օժտելու գաղափարը, ուստի և այս կարգի բայերը կարելի է կոչել օժտման բայեր:

Այսպիսով ժամանակակից հայերենի համար կենսունակ, արտադրողական, կերպային-բառակազմական ածանցների կարելի է համարել. միայն կերպային՝ -ոտ-, -ատ-, -ութ-, և կերպային-բառակազմական վեր- (երկրորդության), ներ- (ուղղվածության), -ավոր- (օժտման), Մյուս կերպածանցները (կլտ, բա և այլն), որոնցով ունենք մի խումբ բայեր, մեր արդի զրական լեզվի համար զործուն. կենսունակ չեն:

Թվարկված բոլոր ածանցները մտնում են բացարձակ բայահիմքի մեջ՝ լրացուցիչ հիմքակազմ ածանցներով կամ առանց դրանց:

Սևոալին-ֆերականական ածանցներն են -ցն||-ցր և -վ-: Առաջինը կազմում է պատճառական բայեր և կարող է հանդես գալ ա, և հիմքային ձայնավորների հետ կամ առանց դրանց. ա ձայնավորով է լինում -ալ վերջավորությունը և ան- ածանցով բայերի հետ (կարդալ-կարդացնել, մոռանալ-մոռացնել), և ձայնավորով՝ ել վերջավորությամբ և -են- ածանցով բայերի հետ

⁶ Ա. Աբրահամյան, Անդ, էջ 134:

(վազել-վազեցնել, մոտենալ-մոտեցնել), իսկ առանց ձայնաւորի՝ ն, չ ածանց-
ներով բաղադրյալ, ինչպես և մի քանի անկանոն ու պակասավոր բայերի հետ
(բուսնել-բուսցնել, թռչել-թռցնել, ուտել-կերցնել)։ այս կարգի բայերից իջնել
բայի պատճառականն է իջեցնել, զրոսնել բայինը՝ զրոսեցնել, դառնալ բայինը՝
դարձնել, լցնել, վերցնել, հարցնել բայերը թեև պատճառականության իմաստ
չունեն, բայց ձևաբանորեն պատկանում են պատճառականների թվին, քստ
որում ստացվել են լցուցանել, վերուցանել, հարցանել ձևերից⁷։ այդ կարգին
են պատկանում նաև հրամցնել, հատկացնել, յուրացնել բայերը, որոնք ունեն
սովորական ներգործական սեռ, առանց պատճառականության իմաստի, բայց
ձևաբանորեն վերջիններիս խմբի մեջ են մտնում։ Իրանց հակառակ, կան
բայեր, որոնք թեև ծագումաբանորեն պատճառականի կազմություն ունեն,
բայց ոչ ձևաբանորեն, ոչ իմաստով, ոչ էլ իրենց կազմության արդի ձևով չեն
կարող պատճառականների մեջ դասվել։ դրանք են՝ գեկուցել, ծանուցել, կառու-
ցել, հատուցել, հարուցել, մատուցել, ուսուցել-ուսուցանել, սնուցել (սնուցա-
նել)։ Փոխառյալ գոյականներից՝ ացնել բաղադրիչով կազմված բայերը ան-
կախ իրենց իմաստից, պատկանում են պատճառականների տիպին, ինչպես
էլեկտրիֆիկացնել, էվակուացնել և այլն։

Մենք ասացինք, որ պատճառական մասնիկն է -ցն- -ցր-։ Բայց դա,
իհարկե արտաքուստ է միայն այդպես և կարիք ունի ճշտման։ Պատճառական
բայերի խոնարհման մեջ, ինչպես վերը ցույց ենք տվել, ունենք երկու բայա-
հիմք, որոնք երկուսն էլ տարբերվում են բայի բացարձակ հիմքից։ այսպես՝
հեռացնել բայի բացարձակ հիմքն է հեռաց-, իսկ բայահիմքերը՝ հեռացն- և
ոհուացր-։ ինչպես տեսնում ենք, -ն- և -ր- ձևույթները հանդես են գալիս որ-
պես տարբեր բայահիմքերի կազմիչներ, ուստի և՛ որպես պատճառականու-
թյան ցուցիչ կամ բաղադրիչ մնում է միայն -զ- ձևույթը։ Որ այդ այդպես է,
սպացուցվում է նաև կրավորական կազմությամբ. պատճառական բայերի
կրավորականը կազմվում է, ինչպես գիտենք, բացարձակ հիմքին ավելացնե-
լով -ս- ձևույթը (հեռաց-ն-ել, հեռաց-վ-ել)։ քանի որ կրավորականների մեջ
էլ պահպանվում է պատճառականության իմաստը (համտ. հիշել-հիշվել-հի-
շեցնել-հիշեցվել) և այդ իմաստն արտահայտվում է միայն ց-ով, առանց ն-ի
կամ -ի, ապա պատճառականության ձևույթն է -ց-։ Վերջապես, պատմական
տվյալներն էլ հաստատում են այդ, քստ որում -ցն- ստացվել է -ուց-անել-ից,
որի մեջ պատճառականի ձևույթն է -ուց (ոյց), իսկ -ն-ն այն է, ինչ որ
ունենք տես-ն-ել, գտ-ն-ել և այլ բայերի մեջ (-անել -նել)։ Ստորև, բայա-
կազմության կառուցվածքային ընդհանուր օրինաչափության մասին խոսելիս
կտեսենք, որ գործուն կանոնը ևս հաստատում է մեր տեսակետը։ Այսպիսով,
պատճառականության սեռային բերականական ածանցն է ց ձևույթը, որ կազ-
մում է պատճառական բայեր անցյալի հիմքին ավելանալով՝ ա, ե լծորդները
կամ առանց դրանց և իր հետ ունենում է հիմքակազմ -ն- կամ -ր- ձևույթ-
ները։

7 Ա. Արաճաճյանը կարծում է, որ վերցնել ստացվել է վերնալ. լցնել-ը՝ լից արմատից ցն.
աչքաթող անելով ժողովրդական բարբառային վերցուցել, լցուցել ձևերը, մեր կարծիքով լցու-
ցանել ձևից ստացվել է լցցնել (ինչպես ունենք որոշ բարբառներում), իսկ սրանից էլ քստ
որենքի բնկել է երկու ց-երից մեկը (համտ. անցուցանել անցցնել անցրնել, դարձուցա-
նել դարձնել և այլն)։

8 Ա. Արաճաճյան, Անդ. էջ 576։

Մյուս ածանցների հետ պատճառական – ց– ձևույթը բայակազմության մեջ հետևյալ հարաբերություններն ունի. կերպային-բառակազմական ոտ, առ, տ (ինչպես և՛ կոտ, կլտ և այլն) ածանցներով բաղադրված բայերի բացարձակ հիմքը պատճառականների համար դառնում է բառահիմք, ինչպես՝ թռչկոտել-թռչկոտեցնել, բոցկլտալ-բոցկլտացնել և այլն. այս կարգի բայերը, սակայն, չառ քիչ են ու սակավ զործածական, ուստի և այդպիսի կազմությունները անսովոր են, թեև տեսականորեն դրանք չեն հակասում մեր լեզվի այժմյան կառուցվածքին: Հնարավոր է նաև կազմության հակառակ հաջորդականությունը, այսինքն՝ պատճառականից կազմել բաղադրյալ բայեր՝ -ոտ-, (-առ-, -տ?) ածանցով, բայց դա միայն հնարավորություն է, պոտենցիա. և մեզ հայտնի է միայն կորցնոտել հազվադեպ զործածությամբ բայը: Այնուամենայնիվ, այդ տիպի բայակազմությունը չի հակասում մեր լեզվի կառուցվածքին: Նկատելի է, որ այդ դեպքում կարող է հանդես գալ, ըստ երևույթին, միայն –ոտ ածանցը: Լեզվի ձևատիպարների (մոդելների) համակարգը արդի վիճակում թույլ կտար այդ դեպքում կրկնակի պատճառական կազմել, ասենք՝ կորցնոտեցնել, թեև իրականում այդպիսի բայ չունենք:

Մյուս ածանցներից ներ- և վեր- նախածանցների հետ պատճառական կազմությունը ներկայացնում է երկկողմանի հնարավորություն, այսինքն՝ այդ նախածանցներով բաղադրված բայերից կարելի է կազմել պատճառական, ինչպես՝ ներհոսել-ներհոսեցնել, վերականգնել-վերականգնեցնել, և հակառակը՝ պատճառականներից կազմել նոր բայեր՝ ներ-, վեր- նախածանցներով, ինչպես՝ փայլեցնել-վերափայլեցնել, միացնել-վերամիացնել, սառեցնել-վերասառեցնել⁹: Այս երկու կարգի բայերն է խիստ հազվադեպ են մեր զրական լեզվում, բայց չեն հակասում նրա կառուցվածքին:

Վերջապես, -(ա)վոր ածանցով մեզ հայտնի են հարկավորեցնել, փառավորեցնել, սիավորեցնել սակավադեպ զործածությամբ բայերը, բայց այս դեպքում էլ կառուցվածքային տեսակետից ունենք միանշանակ հնարավոր կազմություն, մինչդեռ հակառակը, այսինքն՝ պատճառականներից -(ա)վոր ածանցով կազմություն, ասենք՝ փայլեցնել*–փայլեցնավորել ձևատիպարով, մեր լեզվի արդի կառուցվածքի մեջ հնարավոր չէ:

Այսպիսով, մեր լեզվի արդի համակարգի մեջ կարելի է հնարավոր համարել հետևյալ սխեմայով ներկայացվող ձևատիպարները.

1) կերպածանցավոր բայերի հիմք – պատճառական ել, օր. բոց-կլտացնել

2) պատճառականի ներկայի հիմք + կերպային-քեր. ածանց + ել, օր. կորցնոտել

[3) պատճառական ներկայի հիմք + կերպային-քեր. ածանց + պատճառական + ն ել, ասենք՝ կորցնոտեցնել]

4) ներ- կամ վեր- նախածանց + բառահիմք + պատճառական + ն ել, օր. ներհոսեցնել

5) ներ- կամ վեր- նախածանց – պատճառական բայ, օր. վերափայլեցնել

6) բառահիմք + -(ա)վոր ածանց + պատճառական + ն + ել, օր. հարկավորեցնել:

⁹ «Սովետական Հասարակություն», 1959, 24/5:

Այս բոլոր կարելի է ներկայացնել պայմանական թվանշանների զուգորդություններով, նշանակելով բառահիմքը 1, կերպային-քերականական ածանցները՝ 2, պատճառականի ձևովը՝ 3, նյութ ձևովը՝ 4, անորոշի-ել վերջավորությունը՝ 5, պատճառական բայերի ներկայի հիմքը՝ 6, վեր-ներ-նախածանցները՝ 7, -(ա)վոր ածանցը՝ 8, պատճառական բայի անորոշ դերբայը՝ 9 և կստանայինք հետևյալ հնարավոր կազմությունները¹⁰. ա) $1+2+3+4+5$, բ) $6+2+5$, գ) $(6+2)+3+4+5$, դ) $7+1)+3+4+5$, ե) $7+9$, զ) $(1+8)+3+4+5$:

Այս ձևատիպարներից (մոդելներից) որոշ չափով պործածական են առաջինը, չորրորդը, հինգերորդը, վեցերորդը, իսկ մյուսները լուրջ հնարավորություններ են, բայց նույնիսկ նրանք էլ, որ պործածական են, շատ անսովոր են: Այս տեսակետից մեր լեզուս չի օգտագործում իր մեծամեծ հնարավորությունները, բայց դա էլ հետևանք է այն բանի, որ բաղադրյալ բայերից պատճառական կազմելու ավելի սովորական ու արտադրողական միջոցն է տալ-ով հարադրությունը, ինչպես՝ կոտրատել տալ, կտրտել տալ և այլն:

Սևոային-բերականական -վ- ածանցը կազմում է կրավորական սեռի բայեր ներգործական ու պատճառական բայերից, ինչպես և անդրադարձ կամ շեղոք բայեր¹¹: Այդ ածանցով բայեր կազմվում են միայն -ել խոնարհման արդեն պատրաստի բայերի բացարձակ հիմքից. ինչպես՝ սիր-վ-ել, կտրտ-վ-ել, մոտեցնել-մոտեց-վ-ել և այլն. ալ խոնարհման բայերից, ինչպիսի կազմություններ էլ լինեն նրանք, կրավորաձև բայեր չեն կազմվում. այդպիսի բայերից կարելի է -վ- ածանցով բայեր կազմել նախապես նրանք դարձնելով պատճառական, որ նշանակում է՝ վերածելով -ել խոնարհման, ինչպես կարդալ-կարդացնել-կարդացվել և այլն: Այդպիսի են նաև չ ածանցով բայերը, ինչպես՝ բռնել-բռցնել-բռցվել, կտրել-կտրցնել-կտր-ս-վել ($g > u$ հնչյունափոխություն), ըստ որում չ-ով բայերը շեղոք են: Ե ածանցով բայերը կրավորական կազմում են ներկայի հիմքից. ինչպես՝ գտնել-գտնվել, բռնել-բռնվել, առնել-առնվել և այլն, իսկ կրկնահիմք բայերը՝ անցյալի հիմքից, ինչպես՝ դնել-դրեցի-դրվել, տանել-տարվել, ուտել-կերա-կերվել¹² և այլն:

Շատ լեզուների մեջ կրավորական սեռը կազմվում է խոնարհման հատուկ վերջավորություններով, ինչպես՝ օրինակ, ռուսերեն читает-читается, читающий-читаемый, լատիներեն՝ amatis «սիրում եք» — amamini «սիրվում եք» և այլն. մասամբ այդպիսի էր նաև զրաբարում, ինչպես՝ սիրեմ-սիրիմ, սիրեցայ և այլն: Այս կարգի լեզուների մեջ կրավորականի կազմությունը մտնում է ձևակազմության համակարգի մեջ:

Ժամանակակից հայերենում կրավորականի կազմությունը ոչ մի կապ չունի բայաձևերի վերջավորությունների հետ և որևէ ձևով չի անդրադառնում ձևակազմության վրա (համառ. դրում է-գրվում է, դրեց-գրվեց, դրեր-գրվեր և այլն): Կրավորականի -վ- ածանցը նույն հարաբերության մեջ է վերջավորությունների հետ, ինչպիսի հարաբերության մեջ են ոտ, ատ, տ, ց, ավոր ածանց-

¹⁰ Այս ձևատիպարները բերում ենք, նկատի ունենալով, որ դրանք կարելի էլինի օգտագործել մեքենական թարգմանության համար, թվանշանները փոխարինելով ցանկացած մաթեմատիկական արտահայտություններով, ինչպես՝ $1 = x$, $5 = y$ և այլն:

¹¹ Մանրամասնությունները տե՛ս Ա. Ա. Արբա համայն, Անդ, էջ 616—656:

¹² Ուտվել ձևը բարբառային է, որ սակայն տարածվում և առավել պործածական է դառնում:

ները, որ նշանակում է, թե մեր արդի լեզվում կրավորականը հանդես է դա-
լիս որպես յուրահատուկ բայատեսակ, այլ կերպ ասած՝ կրավորական սեռի
բերականական իմաստն արտահայտվում է ոչ թե ձևակազմության, այլ բա-
յակազմության միջոցով:

Եվ այսպես, ժամանակակից հայերենի բայի ձևաբանական կառուցվածքի
մեջ որպես բայակազմության ձևույթներ հանդես են գալիս. 1) կերպային բա-
ռակազմական ածանցներ (-ոտ, -ատ, -տ, -ավոր, ներ-, վեր(ա)-), ոչ կեն-
սունակ՝ (-կլտ, -կրտ, -տակ, -որ), որոնք մի բառով կոչվում են կերպածանց-
ներ. 2) սեռային-ճեղքական ածանցներ (պատճառական՝ -ց-, կրավոր-
ական՝ -վ-), որոնք մի բառով կկոչենք սեռաածանցներ: Քանի որ այս բոլոր
ածանցներն էլ բայակազմական դեր ունեն, ապա նրանց տարբերակումը ըստ
առանձին խմբերի ունի ոչ թե ձևաբանական, այլ իմաստաբանական հիմունք.
ձևաբանական տեսակետից նրանք միևնույն մակարդակի վրա են գտնվում.
Թեև, իհարկե, կիրառության տարբեր ոլորտներով ու գործածության զանազան
սահմանափակումներով ու յուրահատկություններով: Որպես ընդհանուր օրի-
նաչափություն, բոլոր բայակազմական ածանցներն անփոփոխ կերպով մնում
ևն բայի բացարձակ հիմնի մեջ, ինչպես՝ կտրատ-ել, -եցի, -ում, կերպավոր-ել,
-եցի, -ում, սիրվ-ել, -եցի, -ում և այլն: Սա ևս ապացուցում է, որ ժամանա-
կակից հայերենում պատճառականի ածանցն է -ց-: